



UNIVERSITÄTS-
BIBLIOTHEK
PADERBORN

**Io. Baptistæ Portæ Neapolitani Magiæ Naturalis Libri
Viginti**

Della Porta, Giambattista

Frankfurt, 1607

Quomodo fructibus suavitatem, & dulcedinem conciliemus. Cap. XVII.

[urn:nbn:de:hbz:466:1-70772](#)

madefeceris per triduum laurino oleo, vel nardino, vel opobalsamo, vel succo rosæ, vel masticino, & postea sicata depresso, eiusmodi saporis oriētur, cuius ynguentum semina combiberint. Facit Florentinus hoc modo

Melopepones resarum fragrantiam spirare.

Semina eorum cum rosis aridis deponēdo, & mista plantando. Nos moschi odorē redolentes reddimūs, aperata parte illa, qua pullulat semen, in rosacea stillatitia aqua, in qua moschum dissolutum fuerat, macerauimus per biduum, & sic seruimus. Sic etiam fecimus

vt lactuca odorata nascatur.

Lactuce semen, in citri semen impositum, & sic satum. Eodem modo

Garyophyllorum odoratos nasci flores
disces, si eorum semina in garyophyllorum puluerem, vel oleum, vel stillatitiam aquam imponantur, ac plantentur, sic flores garyophyllorum odorem recipient, atque hoc artis mangonio vulgatos flores in lucem productos existimo, nā re vera & siluestres, & minimi vulgo passim nascuntur inodori, & holitores, vel semine in garyophyllorum aquis, vel oleo madefacto, vel radibus garyophyllis transactis, & plantatis, eiusmodi odorem receperisse. Addimus his modum

Allia ne fædenter.

Si allia serantur, & extra hantur, Luna sub terra existeret, odoris fœditate carebunt, ex Sotione. Et

Rosas odoratores reddere
poteris, si iuxta eas allia serueris: ex Theophrasto.

Quomodo fructibus suavitatem, & dulcedinem conciliemus. C. A. P. XVII.

NON NVILLE sunt arbores, quæ caudicis fissionem mutilationeq; aliqua, subito aeris, adueniæ que caudoris intrusu pereunt: corruptione enim ad ima descendente contabescunt, & exarescent illico: sunt præterea multæ, quæ non solum plagam, sed caudicis fissionem, terebrationemque sustinent, & ex pauciferis, multisq; redduntur, ut punica, amygdala, malus, quibus maxime

zime utimur: vulneratæ enim meliorem, suaviorem-
que deferunt fructum, ali mentum enim quantum suf-
ficit, capiunt, indeq; noxiū desudant humorē (vt in
animalibus s̄e p̄ numero perspicere licet) & reliquum
facilius concoquunt, dulciores reddunt, & speciosiores
proferunt succos: quum enim tenui viuant compage,
discillas, & disiectas partes facile comprimunt, & coag-
mentant. Nos primo inserendo, mox terebrando, vel
scindendo, alijsq; modis dulciores fructus reddemus:
Inſitione

Cerasa laurea facere

poſlumus: diximus enim plantarum vitia emendare,
& dotes aliquas addere inſitione, nam si fructus nimia
dulcedine respuitur, inserendo ſupra arborem amari-
ſculam, ex ea miſcella fiet fructus ſapidiusculus. Plinius
ceratum ſupra laurum inſeri, & inde naſci cerasa laurea
dixit, Palladius;

Inſeritur lauro cerasus, partuq; coadū.

Tingit adoptiuus virginis ora pudor.

Noſtris temporibus Neapoli prodiere quæ laurea vo-
cantur, non ingratæ amaritudinis, nobilissimum ge-
nus, & cætera longè ſuperans, magnitudine perſpicua,
colore ſanguineo ſuccosa, inest in maxima dulcedine
amariusculus quidam ſapor, vnde fit ne nimia acerbi-
tate respuantur, nec maxima dulcedine fastidium pa-
riant. Fiunt &

Mala dulcia ex cotonei inſitione.

Si malum in cotoneam inſerueris, ſaporem melleum
contrahent, apud Athenienses melimela dieta, quaſi
mellis ſaporis, ex Diophane. Nunc Agriculture ope tra-
demus, quomodo fructus dulciores fiant, truncum ſci-
licet perforando, circumſcarificando, alijsque caſti-
gationibus, vt agricolæ vocare ſolent, ſic noxiū humo-
rem & ſuperfluū deſudando, dulcescunt. Exemplum
erit, ſi

Amygdalæ vt dulcem fructum faciant

velis, Aristoteles docet: clauum conſixum amygdalæ,
vt gummi per multum tēpus diſtillet, v̄banam redi,

& per hoc artificium silvestres arbores sunt domesticæ. Theophrastus, si quis stipite circum fosso, & ab ima parte perforato mēsura dodrantali, vndiq; lachrymam effluentem defluere sinat, dulcescet: amygdala enim perforata, castigatur. Si paxillo deciso humorem influentem abstergas, idq; biennio vel triennio facias, dulcem ex amara efficies. Amaror enim ex nimia alimenti copia prouenit, humorumque vbertate, quod perforato castigatur; nam illo liberata humore, in melioris & suauioris fructus fertilitatem transit, reliquus humor facilis concoqui potest. Africanus ex amaris dulces fieri affirmat, si circumfosso stipite, quatuor digitis à radice cauernula imprimatur, per quam noxiū desudet humor. Plinius. Amygdalæ ex amaris dulces sunt. Si circumfosso stipite, & ab ima parte perforato, defluens pituita abstergatur. Sed sunt, qui in cauernam illam, nec ociosa interim maneat, mel iniiciunt, putant enim per medullam, quasi per siphonem usque ad fructus adduci. Exemplum erit si volumus

Citria dulcia facere.

Pomum id non mandi solitum Theophrasti ætate, nec Athenæi aurorum memoria, ut idem refert, nec Plini tempore: vnde Palladius medullas eius acres in dulces mutare docuit. Cuius verba hæc: Feruntur acres medullas mutare dulcibus, si per triduum aqua multa semina ponenda macerentur, vel ouillo lacte, quod prat. Aliqui mense Februario truncum obliquo foramine ab imo terebrant, ita vt altera parte non exeat, & ex hoc humorā fluere permitiūt, donec poma formentur, tunc foramen luto replent, sic quod est medium fieri dulce confirmant. Id Pontanus in suis Hesperidum hortis:

Quo non ars penetrat? Palmes cedatur & ipse
Crassior, in palmumq; cauetur, & vndiq; labris
In gyrum ductis, nec pollice crassius. Illue
Infer mellæ liquata & grandi contege saxo,
Quod Solem auertat. Postquam arida fuxerit arbor
Inclusum humorē, & sitiens noua pocula gliscit,
Mella cauo immersans flarentibus imbueriūt

Ruyfus.

*Rursum, & euacuam Thymbrao nectare cellam
Distende, ac latices humano è corpore fusos
Mollibus irrorar radicibus. Inter eane
Neglige frondosas toto de stipe gemmas
Vellere, mopsopites nō qua liquor implet, & ipsa
Labra trahunt dulcem mulsi de fonte liquorem.*

Vt amygdala dulces ex amaris fiant.

Palladius medium truncum terebrat, & ligni cuneum
melle oblitum imprimit.

Cucumeres ut dulces fiant.

Si semina maceraueris dulcibus, dum ea combibunt,
dulces afferent fructus. Theophrastus dulces cucume-
res efficere docet, si semen, priusquam seratur, lacte vel
melicrato maceretur. Columella: Cucumis tener, & iu-
cundissimus fiet, si antequam seras, semē eius lacte ma-
ceres. Nonnulli etiam quo dulcior existat, aqua mulsa
idem faciunt. Ab his Plinius, & Palladius.

Vt dulces proueniant cinarae.

Sic cardui semina lacte & melle maduerint, & desiccata
ponantur, humorem dulcedinem contrahent. Cassia-
nus ex Varrone. Sic

Fœniculum dulce proueniet.

Si eius semina mulso & lacte macerata serantur, dulcio-
res suo tempore fructus proferent. Vel si semen aridis
sicubus indatur, & seratur. Itidem

Melones dulciores fieri

docet Palladius: semina eius mulso, & lacte per triduum
maceranda sunt, & tunc iam siccatā ponenda, hinc sua-
ues efficiuntur.

Lactuca dulcescunt,

Si quis vesperi mulso vino rigabit, eoque dum satis eb-
bant, satientur potu per triduum, dulces habebit, quod
ex Athenæo Aristoxenus Cyrenæus edocuit. Ut

Radicula dulcis reddatur.

Semina die, ac nocte melle macerabis, aut passo, ex
Palladio, & Florentino. Raphani dulces erunt, quo-
rum semen vino mulso, aut vuarum passarum succo

fuerit maceratum. Possumus & cultus mangonio alter facere, vt fructus dulcescant, si acidi, vel amari fuerint, calidas aquas, stercora, amurcas, & similia radibus obijciendo. Ut si velimus

Amygdalam amaram dulcem efficere,

Nos acria obijcimus radicibus, vt eorum caliditate melius concoquant, & fructum dulciorē proferant. Theophrastus. Si stercoribus nonnullis & validioribus utimur, seu suillo, amygdalæ ex amaris in dulces transeunt, sed amygdala triennio post mutatur, cultum enim pertantum tēporis adhiberi par est Africanus. Si circa radices apertas vrina, vel suillum stercus diffunditur, dulcior efficitur. Quintilij ex Aristo ele. Martio mense amygdalarum radicibus suillum stercus imponūt: nam ex amaris faciunt dulces. Et Palladius circa radices suillum stercus affundit. Eodem modo possunt

Punica acria dulcem fructum ferre,

Ex acidis, amarisve in dulces transeunt. Docet Aristoteles libro de plantis. Mala granata stercore porcino radicibus iniecta, ac frigida aqua dulci rigata meliorescent, & dulcia fiunt. Theophrastus. Punicarum radicibus ingeratur vrina, vel pelliū feces, non tamen multum: earum enim radices remorderi desiderant, idque diutius tertio quoque anno, vt in amygdalis diximus, nam radices punicae plus temporis persistunt. Causa est peculiaris molitiae, quæ radicibus exhibetur. Stercus enim suillum, vel quod vim proximam illi obtinet, radicibus punicarum superinieatum dulcorat succum, quin etiam copia, & frigiditate aquæ mutationem afferti aliquam dicitur. Paxamus radices arboris circumfodi iubet, & stercus suillum injici, ac super iniecta terra hominis vrina irrigari. Columella. Si punica acidum, aut minus dulcem fructum ferat, hoc modo emendari iubet. Stercore suillo, & humano, & lotio humano veteri radices rigato, ea res in plimitiuis annis fructum vinosum, postea vero & dulcem, & apyrenum facit. Plinius ab eis eadem refert.

Malus dulcescit.

EX

Ex Anatolio. Gaudet enim valde malus vrina, & hac aspiduè est irriganda. Quidam stercus caprinum apposuerunt, & vini veteris fecem radicibus affundunt, dulciorum fructum efficientes. Theophrastus, si malus verna feruenti aqua rigetur, meliorescit, ait. Eadem herbis adhibita dulciores redduntur, exemplo erit

vt intuba dulcescant.

Multa sunt, quæ salsis aquis rigata suum amarorem depoñunt, & dulcedinem adsciscunt. Theophrastus ut intuba amarorem exuani, salsis aquis rigari iubet, vel salsis locis conscri debere. Idemque

ut brassica suauior reddatur,

euenit. Et ideo Ægypti, nitro aqua permisto brassicam aspergunt, ut dulcior euadat, qua de causa salsis locis sata optima est: acorem enim, & brassicæ insitam salsuginem eluit. Idemque ut

Beta dulcior euadat.

salsis aquis irrigat, & sic meliorem euadere putat, & ab eo eadem Plinius resevit. Tandem

Eruca suauior efficitur,

si salsis aquis rigatur, & esculentiora promit folia. Alio vtuntur cultus artificio, ut olera suauiora esu prodeant, caules recidendo. Ut igitur

Oicum suauius nascatur,

caulem recidunt, nam dulciores, suauiores quæ à regerminatione caules sunt, causamq; evidentissimam assert Theophrastus. Eadem ratione

Lactucam suauius regerminare,

Theophrastus etiam post primorum caulium decerpctionem, suauiores haberi, qui primo pululatu prodeunt, priores illos lactuosos, & insuauies esse, ut poter minus concoctos, secundi vero suauiores sentiri, quam diu teneri. Eadem ratione

Porrum dulcior euadere

tradit idem, si tonsum retonsumq; germinauerit: cuius causam libio de causis reddidit, debilis enim prima germinatio existit. Idem de alijs oleribus faciendum

tenseo, nam recisio omnibus ferè suavitatem secundis
caulibus assert. Nunc & varijs artificijs cultus suauior
olera reddemus. Credidit Sotion

Allia dulcescere,

suauioresq; saporem contrahere, quorum fractæ spi-
cæ serantur, vel quæ in pangendo olearum fraces admi-
serint. Altero satis diuerso artificio

Cœpæ ut suavitatem recipiant,

Conficiemus, si considerauimus, quod quædam sunt
mutuæ naturarum discordiæ, & amicitiæ, quæ se mu-
tuò adiuuant, & se inuicem perdunt. Nuces si cum cœ-
pis mistæ seruentur, diutius asseruantur, quibus hanc
vicissitudinem reddunt, vt eius acredinem tollant, ex
Palladio.

*Vt crescentes fructus figuræ omnes, vel impressiones co-
piant. C A P. XVIII.*

MULTA fortuitus commonstrat casus (vti citius
sæpe videmus ramorum, foraminū, cælatarumq;
terum occursu varijs scatere imaginibus, impressioni-
bus, & sigillis,) quæ ab ingenio pollutibus non paruo
angentur labore, factoq; frequenter periculo, accom-
modantur usui. Vnde carmen:

Ipsa nouas artes, varia experientia rerum,

Et labor ostendit miseras ususq; magister.

Et cum plerosq; causa lateat, plurimum miraculi consi-
derantibus ingerunt, vt præter Naturæ normam eue-
nisse censeantur: nam si testacea vasa crescētibus pomis
accommodaueris, validè adolescentes typos replent, &
formā induent, quam voles, & si qui fuerint piñsii co-
lores, locisque debitis coaceruati, fructus vti naturales
insciunt. Vnde sæpe visitur hominis caput in chryso-
melis, candidis dentibus, purpurascensibus genis, ni-
grentibus oculis, vt omni virore omisso, humanum
imitentur caput. Sed conficiendi hinc patet Africani

*Modus, quo humani capi:is formam curium
induat & imaginem,*

*Vel equi, vel aliorum animaliū, magnitudine perfecti
fructus,*